

TEKEENA DA GAUR ELURRA EGITEA EUSKAL HERRIAN 500-600 METROTIK GORA

Normaltasuna errepideetan

Normaltasuna nagusi izan zen atzo Hego Euskal Herriko errepideetan. Izan ere, bost eguneko zubiaren hasieran ez zen istripu larririk izan. Gaur, bestalde, elurra egin dezake 500 metrotik gora eta gidari zein mendizaleei arreta handiz ibiltzeko gomendatu diete.

Erredakzioa / Bilbo


HEGO EUSKAL HERRIKO herri-
ar ugari kanpora joan dira jai
gun hauek igarotzera. Horrela,
atzo errepideetan trafiko handia
izan bazen ere, Hegoaldean ez zen
istripu larririk izan. Bestalde,
300 metrotik behera elurra egin
ezakeela iragarri bazuten ere, ez
zuen elur maluta bat bera ere
bota eta, Hegoaldeko errepide
guztiak zabalik izan ziren atzo.

SOS Deiak-en arabera, Euskal
Autonomi Elkarteko (EAE) erre-
pideetan normaltasuna nagusi
izan zen atzo egun osoan. «Ez da
istripu aipagarririk izan eta mo-
mentuz, ez dago inolako berri-
rik», zehaztu zuten iturri berbe-
rek.

Nafarroako errepideetan ere
normaltasuna eta lasaitasuna
izan ziren nagusi urteko zubi
juzeenaren lehenengo egunean.
Polizia Foraleko iturrien arabera,
ez zen istripurik izan eta errepide
guztiak zabalik zeuden.

Bestalde, Sondikako airepor-
uko meteorologia zerbitzuak
atzo eskaintako aurrikuspenen
arabera, 500 metrotik gora elurra
botako du gaur. Tenperaturak ez
du aldaketarik izango eta gaur
ere 9'3 gradu inguru izango dira.
Zerua hodeitsu izango da, ez du
euri askorik botako eta haizeak
ekialdetik joko du. Dena dela,
haize bolada ahulak izango dira.

**Arreta neurriak gidari eta
mendizaleentzat** • Ertzain-
tzak ez du Euskal Autonomi El-
karteko (EAE) errepideetan plan
berezirik antolatu bost eguneko
zubi honetarako. Hala ere, zen-



Ez zen aparteko arazorik izan atzo Hego Euskal Herriko errepideetan.

ANDER GILLENEA

bait aholku eman ditu istripu
larriak saihesteko.

Jai egun hauetan elurra egin
dezakeela eta, Ertzaintzak zen-
bait neurri hartzea gomendatu
die auto gidariei. Hala nola, abia-
dura murriztea, kateak erama-

tea, ibilgailuen arteko distantzia
handitzea eta galgak kontuz era-
biltzea.

Era berean, mugikortasuna
zailtzen duten arropa lodiek ez
gidatzea aholkatu du Ertzain-
tzak. Baita, ibilgailuko berogai-

lua ahalik eta gutxien erabiltzea
eta auto barruko airea sarri be-
rritzea ere.

Egun hauek mendian igarotze-
ko asmoa duten mendizaleei ere
zenbait neurri hartzea aholkatu
die Ertzaintzak. Besteak beste,
ondo hornituta joatea eta elika-
gaiak edo bestelakoak eramate-
rakoan inkomunikatuak geldit-
zeko aukera kontuan hartzea.
Aldi berean, etxeko edo lagunen
bati irteera lekua eta itzulera da-
tari buruzko informazioa ematea
gomendatzen da.

Azkenik, elur arriskua dela eta,
ume edo adin txikiko haur tal-
deekin mendira irteerarik ez egi-
tea aholkatu du Ertzaintzak. X

Europako garraiobide egitura handien aurka dauden taldeen bilkura Barrian

■ Gaur hasiko dira A Seed Europe koordinadorak antolatu jardunaldiak

Erredakzioa / Gasteiz

GAUR hasiko dira Barrian (Ara-
ba) A Seed Europe koordinadorak
antolatu jardunaldiak. European
Abiadura Handiko Trena eta
antzeko garraiobide egitura
handiak saihesteko lanean di-
harduten taldeak bildu dira ber-
tan. Jardunaldien helburua Euro-
pako Batasunak (EB) finan-
tztatzen dituen proiektu handien
aurka bat datozen taldeen artean
informazioa trukatzea eta EBk
bultzatzen dituen sare hedapenei
aurre egiteko eztabaidak eta es-
trategiak sortu eta lantzea da.
Abiadura Handiko Trena Euro-
pako sareen bärne dagoela kon-
tuan hartuta, eztabaidaren ar-
datz nagusietakoa izango da jar-
dunaldiak iraun bitartean.

Gaur iragarritakoaren bar-
nean, goizean Azazeta Bizirik

koordinadorak antolatu duen
ekintzarekin bat egingo dute Ba-
rrian bildutakoek. Azazeta gaine-
ra joango dira honen inguruan
dagoen proiektuaren aurkako
jarrera argi uzteko asmoz. Arra-
tsaldean jardunaldien erronka
nagusia argituko dituzte eta gai
nagusia eztabaidatzeari ekingo
diote partehartzaileek.

Barrian bildutakoek bat egin
dute Europaren gidaritzapean
«ezer zalantzan jarri gabe» lan
egiten duten gobernuen jokaera
«txia» dela esatean. Euren us-
tez, Europako estatuek, «inoren
iritzia jaso gabe eta gauza oro-
ren gainetik» sareen hedapena-
ren proiektua aurrera eramane
nahi dute, kalte ekologiko, eko-
nomiko eta sozialak kontuan
hartu gabe.

Estatuen interesei aurre egin
nahirik eta proiektu handiak

saihesteko asmoz Barrian bil-
dutako Europako hainbat taldek,
gaur egun European dauden
proiektuen azterketa, eztabaida
eta horiei aurre egiteko lan plan-
gintza eratuko dute. Horrekin
batera, zenbait lekutan egin dai-
tezkeen ekintzei buruz hitz egin-
go dute hilaren 10a bitarte
iraungo duten jardunaldietan.

Bestalde, Madrilan egingo den
Europako Goi Bilera salatu na-
hirik erantzun gisa antolatu di-
ren foru alternatiboetan parte
hartuko du AHTren aurkako
koordinadorak. Europako Bata-
sunaren beste alde hilaren
15ean Madrilgo Unibertsitateko
Medikuntza fakultatean egingo
den foruan, hitzaldiak antolatu
ditu koordinadorak Espainiako
Estatuko talde ekologistek eta
erakunde sozialek AHTaren berri
izan dezaten. X

Momentuan abisatu ezean, isunek ez dute baliorik izango

■ Horrela dio EAEko
Auzitegi Gorenak
kaleratu duen
sententzia batek

Vasco Press / Bilbo

ISUNEK ez dute baliorik izan-
go infrakzioa egiten den mo-
mentuan ibilgailua geratu
ezean, Euskal Autonomi El-
karteko (EAE) Auzitegi Gore-
nak eman eta Vasco Press
berri agentziak zabaldu duen
epaiaren arabera. Bertan ja-
sotzen denez, ibilgailua gera-
tu eta infrakzioa egin duela
ohartarazi ezean edo infrak-
zioaren zergatiak zehaztu
ezean, isunek ez dute baliorik
izango, nahiz eta ondoren isu-
na notifikatzerakoan edo Po-
liziak egindako txostenean
horiek bildu.


Aipaturiko sententzia
J.A.B.B.k Bilboko Udalaren
kontra jarritako errekurtsioan
oinarritzen da. 1993ko
maiatzaren 21ean aipaturiko
auto gidariari 30.000 pezeta-
ko (1.200 libera inguru) isuna
jarri zioten baimendutako 50
Km/h-koa baino 20-30 Km/h
arinago joateagatik. J.A.B.B.k
errekurtsioan diotenaren ara-
bera, poliziek isunean ez zu-
ten justifikatu zergatik ez zio-
ten infrakzioa egin zuen mo-
mentuan bertan horren berri
eman.

Auzitegi Gorenak erantzun-
nean diotenaren arabera,
«halabeharrezko isunak» mo-
mentuan jakinarazi behar di-
ra bertan datu guztiak zehaz-
tuz. «Justifikatuak diren
arrazoiak direla medio»
-hauek ere isunean zehaztu
behar dira- «ezin bazaio mo-
mentuan jakinarazi, bertan
zehaztu behar da ezin izan
zaiola jakinarazi».

Administrazioak bestelako-
rik badio ere, Auzitegi Gore-
nak garbi esaten du, isuna
jarri ondorengo notifikazioan
arrazoiak zehaztea ez dela na-
hikoa, «momentuan bertan
jakinarazi behar zaio infrak-
toerari».

Horren guztiaren ondorioz,
J.A.B.B.ren kontra Bilboko
Udalak jarritako isuna bertan
behera utzi du Euskal Auto-
nomi Elkarteko Auzitegi Go-
renak. X

ESKELAK



Igor
Arruabarrena
Altuna

Ez dut hura ikusten
dagoen lekuan...

DONOSTIAKO LEHENGUSUEK
EZ HAUTE AHAZTUKO